

فيكى ايه ... يتحب؟؟



مطبوعات الفجر

شعر

جلال الصياد

١٨

مطبوعات الفجر
تصدر عن جماعة الفجر الأدبية بالقاهرة

المشرف على التحرير / دكتور يسرى العزب

رقم الإيداع : ٨٦٩٤ / ٢٠٠٠

إهداء

إلى أغلى ما فى الوجود ..
أبنائى ...
محمد ومحمود وزينب...
أشبال اليوم ... أبطال الغد...

وخالص شكرى وتقديرى

إلى كل من ساهم
فى خروج هذا الديوان للنور ...
ولو بالكلمة الطيبة

جلال الصياد

مقدمة

فيكي ايه يتحب

قراءة نقدية: دكتور بسري العزب

جلال الصياد شاعر حكيم، اكتسب الحكمة من فلاحى قريته بالغربية، واكتسب الشعر من موهبة ركبت فيه منذ الطفولة، يقوله فى عفوية كما الشاعر الشعبى ويستخدم لغة بسيطة لا تعقيد فيها تصل بجمالياتها ودلالاتها إلى الكبار والصغار معاً. يؤمن أن الشعر رسالة، تهدى إلى مكارم الأخلاق، وتهدف إلى تقويم النفوس، وتهذيب الأرواح، وتخفيف المعاناة عن الوجدان، يشتبك فى رؤيته الفنية الحلم بالواقع، والذات بالموضوع، والخاص بالعام، يهمس أحياناً كأنه فى موقف (المناجاة) ويعلو صوته أحياناً كأنه فى موقف (المناداة)، الفن - فى رؤيته - شركة يتضامن فيها (الشاعر) مع (المتلقى) فى بنية واحدة، يكتب كأنه ينهل من معين عذب ينسج من عناصره حروفه فى كلمات، وكلماته فى جمل، وجملته فى قصائد، يمنح رحيقها دائماً لشركائه فى الحياة، فى الوطن فى المعاناة، فى الطموح، فى الرغبة الحادة والحميمة إلى التغيير إلى الأفضل والانتقال إلى الأجل، يوزع قصائده إلى وطنيات، واجتماعيات، وسلوكيات ورباعيات، ويختتمه بصورة درامية يؤديها الأطفال - وقد أدوها بالفعل - فى رؤية فنية على المسرح الصغير بقريته (كفر الصارم القبلى - زفتى - غربية) ولاقت - بلاشك - نجاحاً كبيراً بين جمهور الفلاحين

من صغيرهم إلى كبيرهم.

ولكن تقسيم الشاعر جلال الصياد لحيوانه قد شاب به بعض الاضطراب، نتيجة التداخل الدلالي بين أقسامه، فالاجتماعيات تحتوى السلوكيات وهما - بالفعل - قسم واحد، لا قسمان، كما إن (الرباعيات) تجمع بين التوزيعات التي سبقتها - مع اختلاف في عدد السطور فحسب - فيها الوطنى وبها الاجتماعى وبها الدينى إذا اعتبرنا الدينى مفارقة للسابقين.

والرباعيات هنا مغايرة في بنائها للرباعيات الزجلية المعروفة، والتي أشهداها في العامية (رباعيات صلاح جاهين ورباعيات خيام مصرى لحامد البلاسى، فالرباعيات المعروفة تأتى موالاً رباعياً أعرج، من وزن الموال المعروف الذى يكون على (بحر البسيط) مستعلن فاعلن مستعلن فعلمن..

أما رباعيات الصياد فهي في الحقيقة ثنائيات مزدوجة تتكون الوحدة منها - غالباً - من أربع أبيات مشطورة لكل بيتين منها قافية خاصة، كما نرى في هذا النموذج عن (العمرة)

يا شريكة للحج ف فضله
راح نسعى وننفذ أمره
ونشوف الكعبة ونتبارك
وحندي بالتوبة لخلقه

ونلاحظ هنا أن الوزن الموسيقى ليس بحر البسيط وإنما هو بحر المتدارك (في صورته المخبونة الخيب).

فعلن فعلمن فعلمن فعلمن

إن فإن رباعيات الصياد هذه ليست على نمط الرباعيات المعروفة والمصطلح ليس دالاً إلا إذا أخذنا في الاعتبار أن

كل وحدة شعرية هنا إنما هي أربعة أبيات مشطورة من أى وزن يتلاءم مع تجربة الشاعر .
هو شاعر مجرب يحاول أن يشق طريقه بين زملائه من الشعراء وأظن هذا الديوان يضعه بينهم فى مكان جميل، وأتمنى له كل التوفيق .

وطنیات

حكاية مصرية

احكى يا ابا

احكى يا ابا .. وقول يا جدى

للتاريخ .. ولكل جيل

مصر بولادها .. بتعلا ..

كل يوم .. بتريد كثير ..

واحكى يا ابا ..

مصر كانت أبعدية ..

رأسمالية .. إقطاعية ..

دولة الباشا .. تمللى ..

ماسكة نبوت الخفير

واحكى يا ابا ..

والزراعة تكون لواحد ..

والبقية دول حمير ..

وبحريمهم .. وبولادهم

كومه .. يبقى ..

كوم .. كبير ..

والحمير تشكى .. جواعى ..

باشاواتنا كم تشير ..

دول ما يلزمهمش ..

غير فقة شعير ..

واحكى يابا ..

ثورة قامت حررتها ..

وبولادها طهرتها

كل حاقد ساب مكانه ..

ولرجالها سلمتها

وبجمالها زاد إيمانها ..

وبساداتها أكتتها

والعبور كان نجم ساطع ..

وبمبارك ثبتتها

والسلام كان حلم ضايح ..

ع الخرافة ضيعتها

والزتون كان غصن لا مع
خضر الأرض وروتها
واحكى يابا ...

شوفوا صحرا .. إيه جرى لها ..

شوفوا توشكى .. والسلام

شوفوا يا ولادنا المصانع ..

كل يوم بيزيدوا كام

شوفوا يا ولادنا المزارع

مصر دايما للأمام

واحكى يابا ...

شوف قمرنا .. فى العللى

فجر نور من جديد

والنجاح مش كلمة سهلة ..

بالسلام دايماً .. أكيد

شعب قد .. الحمل واكثر ..

ربى بارك فيه وزيد

واحكى يابا ...

واحكى بابا وقول يا جدى
للتاريخ .. ولكل جيل
مصر بولادها .. بتعلا ..
كل يوم بتزيد كثير

أذيعت هذه الحكاية فى قناة الأخبار للمنوعات،
والقناة الثالثة ١٩٩٩/٩/٢٣ وبرنامج أغاني وعجباتى
بصوت المؤلف ١٩٩٩/١٠/٣

أكتوبر يتكلم

طول عمرى وأنا غيران منك

شهر القرآن

من يوم ما نشاك ربى وربك

شهر الإحسان

عارف أفضالك من كتبه

وصيام الإنسان

طول عمرى وأنا غيران منك

شهر الرحمن

وحلمت كثير لأجل اتمجد

واخترت ازاي

وأبقى فى حياة الناس نكرى

غنوة مع ناي

وحبيبة وعريسها ف كوشة

والفرح أهو جاي

-١٠-

عصافير .. وبلابل بتغرد

أكتوبر جاي

جه هاتف في وداني وقال لي:

خليك غيران

رمضان دا .. طول عمره الأول

خليك حيران

نفحاته وكراماته كثيرة

شهر الغفران

إيش فضلك إنت يا أكتوبر

ويا رمضان

جه هاتف في وداني وقال لي

حيرتك راحت

والغيرة اللي ف قلبك ماتت

ريحتك فاحت

- ١١ -

حلمك بولادهم يتحقق

صورتك لا حت

بعزيمة وبسم الله أكبر

شجعان صاحبت

بالضربة الجوية الأولى

د بشاير النصر

وأسود في البحر بتتسابق

في أذان العصر

وصيامهم كان وجبة شهية

حققت النصر

وسادات ومبارك ويا هم

دول أبطال مصر

أذيعت بصوت المؤلف في إذاعة صوت العرب يوم ١٠/٣/١٩٩٩

فی حب مصر

بلدی حیاتی ..

عمری فداکی

نیلک بحرك ..

عطر هواکی

علشان خیرك ..

أحمی حماکی

لا زم أكافح ..

تحت سماکی

عیشی یا بلدی ..

مش حا انساکی

بلدی حبیبتی ..

فیکی ألامی

فیکی سعادتتی ..

وهنا أيامی

كلنا عيلة ..
واحدة يا أمي
عيسى وأحمد ..
أحلى أسامي
عيشي يا بلدي ..
مش حا اتساكي ..

مش حا اتساكي ..
لأنك عالية
فوق القمة ..
دايماً عالية
وانتي وسام ..
على صدر أولادك
وانتي ف قلبي ..
كتاب وميدالية
عيشي يا بلدي ..

مش حا انساکي

مالی وروحي ..

يهونوا عليه ..

علشان بلدى

تحيا ابيّة

دانتي الروح ..

والنبض ف قلبي

دانتي حياتي ..

وضى عينية

عيشي يا بلدى ..

مش حا انساکي

مهّما أسافر ..

وأبعد عنك

برضه يا أمي ..

حا اخده ملكك

حبك زادی ..
وخیرك بركة
لما یزید الشوق ..
راح اضمك
عیشی یا بلدی ..
مش حا انساکی

نشرت بمجلة الشرطة عدد یونیة ١٩٨٦

وادی القمر

یا أرض وادی القمر ..

یا منورة الميدان

جالک نهار تفرحی ..

ما عادشی فیہ طغیان

ما عادشی فیک عدو ..

وما عادشی فیک جبان

حتی النمار انتهى ..

أرضک بقّت عمران

والرملة لونها انکسی ..

بعد الصفار بستان

قیدی الشموع وإعزفی ..

ع الأورج .. ویا کمان

یا أرض وادی القمر ..

هلیتی والله زمان

مبروک علی شعبنا ..

الخير مع البنيان

نشرت بجريدة العمال ١٣/٥/١٩٨٥

مدد يا سيدى البترولى

عمرت بيتنا .. ونورته
ويقينا زى الناس الهاى
ويقينا نعزم على تورته
وفى الكلام بقى لغوة باى
بعد الجمل وحمارة عارجه
وطيارات بدل التروماى
والخيمة كانت بدايتنا
نطاحاتنا شايلة الحلم الجاى
** ومدد يا سيدى البترولى

كلب الصهاينة جه يجرى
مستكتر الرزق علينا
ويقول لى فينك من بدرى
والأرض ديه كانت لينا
إبنيى منها بالزوفة
وتعالى غنى وسلينا

وان قلت لى لاف مرة

ها تكون نهايتك بايدينا

** ومدد يا سيدى البترولى

بصيت له بصمة من غيظى

وقلت له قوم رُوح .. رُوح

دا رزق ربى باعتهولى

خليك فى طمعك تطوح

الحقد طبعك من يومك

وبالدمار إنت تلوح

إسأل تاريخك حا يقول لك

صفحاته بالدم تقوِّح

** ومدد يا سيدى البترولى

كنترلى تكشير .. وقال لى

با ين عقلك .. تر للى

بنرولك اللى بتتباهى بيه

ومنه تبنى وبتعلى

وفاكرنى نايم مش دارى

عمال تزغرد وتغنى

بكيفى سايبك تللع

وبكيفى قاعد مستى

*** ومدد يا سيدى البترولى

فاكر زمان اول علقه

وعملت نفسك مش فاهم

ونسيت تاريخى وجولاته

من يوم ما بلفور جه ساهم

وجم ولادى خدوا بيتك

من غير ما نقعد نتقاهم

بلاش تغطرس وتكابر

لا تلتقيك نصبح نادم

*** ومدد يا سيدى البترولى

قال لى فلوسك فى جيوبنا

نديكوا منها لما نريد

بترولكوا دايما بترولنا
حناخده منكم د أمر أكيد
وفاتوره دايما دافعينها
وقت الطلب لما نعوزها
إوعى تفكر يوم ترفض
لنخليكوا مع المجانيب
** ومدد يا سيدى البترولي

بمناسبة استمرار ابتزاز دول الخليج بواسطة أمريكا وإنجلترا عام ١٩٩٩

فى عيد الطفولة

عيد طفولتنا

عيد فرحتنا

عيد أحلامنا

يا أجمل عيد

فيك يتجمع

كل احبابنا

فيك يبعثوا

أحلى نشيد

كل معانى الخير ..

تتجمع

لحظة حب ..

نعيشها أكيد

فيك أطفال ..

العالم تحلم ..

-٢٢-

فيك يتمنوا

كل جديد

• • • •

شبل اليوم

وبطلنا ف بكرة

شجر الخير

يكبر ويزيد

عيد طفولتنا

عيد فرحتنا

عيد أحلامنا

يا أجمل عيد

نشرت بمجلة قطر الندى ١٥/١١/١٩٩٩

-٢٣-

العمل قيمة

يا زهرة البستان ..

قولى لى مين ..

حفر أرضك

وحط البذرة ..

وسقاها

وعاش العمر ..

يستى

بيدعى المولى ..

يرعاها

ويعرق لاجل ..

ما يشوفك

عبير الدنيا ..

وشذاها

ورمز الحب ..

ع الطرحة

-٢٤-

تدوم الفرحة ..

وياها

• • •

بتسألنى ؟

أقول لك إيه

أقول لك إيه ..

عن العامل

أقول صانع ..

أقول فنان

أقول زارع ..

أقول إنسان

ورمز المجد .. والعزة

ورمز الخير ..

فى كل زمان

ورمز الحب .. والفرحة

تشوف صورته ..

فى كل مكان
ويوم عيده ..
يقول الناس
تعالوا نكرم .. الإنسان
♦ ♦ ♦

ومصر الأم ..

بتادي

ويتشاور ..

على الفنان

تشيله فوق

أيادينا

تعالوا انضموا ..

للأحضان

نشرت بجريدة العمال ١٩٨٦/٦/٣٠

اجتماعيات

سببها على الله

عمال تحسب ..

عمال تقلب ..

عقلك طاير ..

م التفكير

أرنب واحد ..

ما يكفشي

عيشة اليوم ..

مطالبها كثير

دا الواد سيد ..

طالب منى ..

ما أرجعلوشي ..

إلا يتمويل

ولا يركبشي ..

مواصلات بلده ..

عقله منها ..

خلاص هيطير

وأخته علبة ..

بنت ذكية ..

طالب منى ..

دهب وحرير

علشان ييجي ..

يطلب إيدها ..

اللى عليه

العين يتشير

وام اولادى ..

طالبة اللولى ..

فاكرة الناس ..

كلها .. هتغير

ست وطول ..

عمرها خيالية ..

لا غية العقل ..

من التفكير

عقلك قرب ..

يهرب منك ..

ولا ينفعشى ..

فى التدبير

سببها على الله ..

هو الخالق ..

هو الرازق ..

فضله كبير

وارضى باللى ..
عاطيه لك ربك ..
صلى وزيده ..
شكر كثير
هو الازق ..
فضله كبير ..
واحمد ربك ..
بالتكبير

نشرت بجريدة العمال ١٩٨٦/٨/٤

نشرت بجريدة الرابطة مايو ١٩٩٥

الناس والزمان

ليه بتشكوا من الزمان ..
ليه تقولوا ما لوش أمان ..
دا التعب يا خلق منكوا ..
من ضميركم اللي نام
• • •

كان تمللى ف كل فرحة
بسمة قلبى ليها يصحى
كان ينادى بالأمان
ليه بتشكوا م الزمان
كان زمان الأب يسأل ..
عن ولاده العرقانين
والحنان روح الأبوة
والعواطف والحنين
• • •

والزمان ده الكل تايه
خط جى .. وخط رايح
مين حياخد .. مين حيذى
ربى يستر .. م الفضايح
دى الحياة .. ما لهاش أمان
لو ما فيش لحظة إيمان
إرحموا روحكم يا عالم

ليه بتشكوا م الزمان
أو تقولوا ما لوش أمان
والتعب يا خلق منكم
من ضميركم اللي كان

نشرت بجريدة العمال ١٩٨٤/١٠/١٥

طفل الشوارع

يا طفل الشوارع
جا فاك الطريق
يا فا قد لاهلك
ومالك صديق
فى حضن الحوارى
ونهر الطريق
ولا حد حاسس
بأنك غريق

غريق فى المهانة
غريق ف الضياع
وشايف بعينك
نهاية اللى صاع
وحاسس فى جوفك
مرارة الجياع
وعايش حياتك
رفيق للصراع

سريك نجيلة
فى عالم كبير
وسترك شكاره

بتاعة شعير

ويومك مطول

ونومك شخير

وأكلك ندامة

بواقى الحمير

وممن يساومك

توزع سموم

ومجرم يعاهدك

يزيد الهموم

ولا شئ فى ملكك

يساوى هدموم

ولا شئ فى فكرك

يكون له لزوم

المؤهل العالى

العالى كان .. يا ما كان ..
وألف رحمة عليه
كان حلم للإنسان ..
شوفوا جرى له إيه
ليسانس للأوزان ..
قالوا حتخدوه ليه ؟
علوم .. وفن .. وأنب ..
آخرة دا كله إيه ؟
** وألف رحمة
خمسناشر سنة يا حلو ..
نسهر عليك الليل
حصلت عليك الأمم ..
جيل ورا .. جيل
ويعلى شأنك ..
وتتغنى فى المواويل
وبعد التعب والشقا ..
بتكون أمل يا جميل
** وألف رحمة
تطلع شمس تبخر ..
ميتك فى الحال
وتضيع السهر والعرق ..

وربط الشال
ومجهود كل ربة بيت ..
والد شغال
وكلمة الندم ..
وعبارات الأكم تتقال
** وألف رحمة

عالم بكش

مرة ماشى لمحت راجل
بتتطاطى له الرؤوس
شال دماغه وسط ثلة
فوق بساط عمال يدوس
والجماعة دول تعالب
ع الأيادى نازلة بوس
اللى يهيش واللى ينيش
واللى عينه ع الفلوس
والأكادة هو فاهم
فعلهم .. يا رب حوش
...

دا النفاق ويا التحايل
والبكش شغله هفية
والملاعب مش وراها
غير قساوة الدنيا دية
دا الحياة لحظة نعيشها
ويا بعض بحسن نية
يا ابن آدم .. فوقنا رازق
يفتكر كل الخلايق
حتى لو لفيت بلاد ..
تلقى رزقك هو .. هو

نشرت بمجلة عمال التجارة يوليو ١٩٨٨

فيكى .. ايه يتحب !! ؟؟

ايه فيكى .. يتحب يا حوا ؟!

يا نن عيني ..

من جوه

فى بعدك ..

الدنيا ظلام

فى قريبك ..

اللحظة الحلوة

ايه فيكى .. يتحب يا حوا

فى طفولتى ..

يا أمّ حنون

وجدة ..

بتحبني بجنون

وأخت ..

بتمدلى ايدها

وتدعى رب ..

احفظ ويصون

ايه فيكى .. يتحب يا حوا

وفى الصبا ..

تحت التوتة
على إيدك ..
إتعلمت الحب
ونحكي قصة ..
وحدوتة
وقلبنا يرقص ..
ويطلب

إيه فيكى .. يتحب يا حوا ؟؟

وفى الشباب ..
ع الزراعة
غصن الزيتون ..
حُصن الأحلام
نزرع سنابل ..
بالمية
تطرح علينا .. بخير وسلام
إيه فيكى .. يتحب يا حوا ؟..

وقالوا لنا ..
لازم نتجوز
ونحقق الحكمة .. ف أرضه
دا عملها آدم ..
-٤٠-

من بَدري
لازم نمشی ..
على دربه
ایه فیکی .. یَتَحَبَّ یا حوا ..؟؟

قلت الطريق ..
سهل ومفروش
والحلم لازم .. یَتَحَقَّق
والفعل دا ..
يلزم له أصول
لازم نفكر .. وننطق
ایه فیکی .. یَتَحَبَّ یا حوا ..؟؟

قلت لأهلی ..
على حبیبی
قالو لی زین ..
ما اخترت یا واد
سنبورة من بیت ..
أصل کریم
تتفع ونیس ..
وأم لأولاد
ایه فیکی .. یَتَحَبَّ یا حوا ..؟؟

وفى الميعاد .. المتحدد
قابلتني كانت .. تنتهد
على رجل .. واحدة بترقص
كانها راحه .. تعدد
إيه فيكى .. يتحب يا حوا .. ؟؟

قابلتني كانت .. مهمومة
وكانها شبه .. البومة
ساعتها كانت .. مشنومة
إيه غيرك .. بعد الأشواق
إيه فيكى .. يتحب يا حوا .. ؟؟

جوازة إيه ..
يا أبو جلابية
يا أبو ضحكة ..
آخر سخرية
دا عريس جاى ..
من برة معاه
دولارات وجايب لى هدية
إيه فيكى .. يتحب يا حوا .. ؟؟

دانتي اللي ..
كثرت القصة
قوم يا للا .. روح وإمشى

إيه حيلتك ..
إننت يا أبو قصة
غير رعى ..
والفقر معاه
إيه فيكى .. يتحب يا حوا ..؟؟

قتلت مشاعري ..
وأحلامي
وحبنا مات ..
قدامى
ولا يوم أهوب ..
ناحيتهم
ولا يوم أشوفهم ..
فى منامى
إيه فيكى .. يتحب يا حوا ..؟؟

واتحقق الحلم

وف يوم من الأيام
شفت ف منامى نور
وزرع أخضر جميل
يشبه بساط محمول
ونخل عالى فى السما
نفسه يطول النور
والعين ما قدرت تفتح
من كثر ضى النور
سألت إيه مصدره
قالوا .. نبيّ النور
صلوات الله عليك يا محمد
صلوات الله عليك يا نبينا

* * *

وف يوم لقيت المنادى
جالى يبشرنى
قوم يا للا سيب دنيتك
تعالى حصلنى
إسمك فى كشف الحجيج
وللزيرة تتول
والكعبة فيها متعتك
عملك أكيد مقبول
وف عرفة قول دعوتك
حجك صبح مبرور
صلوات الله عليك يا محمد
صلوات الله عليك يا نبينا

* * *

- ٤٤ -

صدق النبی فی الکلام
لما یقول کلمته
اللی یشوفه ف منام
لازم یزور روضته
وصلاته فیها خشوع
للی وهب نعمته
وف حضرة المصطفی
تسجد هناك جبهته
وکعبة الإسلام
دایما تكون قبلته
صلوات الله علیک یا محمد
صلوات الله علیک یا نبینا

أذیعت بإذاعة صوت العرب يوم ١٠/٣/١٩٩٩ بصوت
المؤلف برنامج أغانی وعاجبانی

فأكرة يوم

ليه قلوبك .. رافضة ..
ترسى ع الجسور
ليه سفينتك .. ناوية ..
تهرب فى البحور
ليه فى بستانى
قلعتى الزهور
ليه باينك يختفى
فى الضى نور
* * *

فأكرة يوم .. ما أول ..
وردة فتحت
أشواكها .. حلفت بين ..
إيديكى ما جرحت
وسرها .. ما يكون ..
لغيرك .. صرخت
ولخالقها .. هى
قامت سبحت
* * *

والطيور وقفت ..
تغنى .. غنوتك
والولايه .. راح ..
تقلد ضحكك
واللى حبوا ..

علمتهم لغوتك
قبل ما يتوه .. الطريق ..
فين سكّتك

الغصون فردت ..
علينا ضلها
والزهور فاحت ..
علينا بعطرها
جه منادى ..
قال لى قرب منها
وف ساعتها ..
رحت طالب ودها

العيون لحظة ..
لقاها سهّمت
والإيدين من كتر ..
نارها سلّمت
والقلوب .. عرفت ..
طريقها .. اتكلّمت
والسعادة .. جت
علينا خيّمت

يا ابن آدم

يا ابن آدم ..
عيش حياتك ..
بالمحبة والأمان ..
والمودة .. والتصافي ..
والتأخى .. والحنان ..
التألف .. والتعاطف ..
والتراحم .. والوئام ..
يا ابن آدم ..
عيش حياتك ..
قبل ما يفوت الأوان

بالقناعة عيش حياتك ..
ربنا يبارك فى رزقك ..
والأمانة .. والصدقة ..
هما ورتك .. هما كنزك ..
وامنع الغش ف علاقتك ..
دى المعاملة هي إسمك ..
يا ابن آدم ..
عيش حياتك ..
قبل ما يفوت الأوان ..

نشرت فى جريدة صوت الرابطة مايو ١٩٩٦

سلوكيات

الندم

ليه تعيش عمرك حزين
بعد شم الهيروين
ع التذاكر .. راح تذكور
تشتريها من لعين
والولاد فى البيت جواعى
ولو جودك محتاجين
وبحياتك راح تجازف
والمجازفة شئ مهين
والخسارة فى النهاية
من مزاجك .. يا حزين

* * *

يا اللى بتتخن حشيش
إيه فى جيبك ما تلاقش
شوف حياتك إيه جرى لها
صورة عتمة .. ونور ما فيش
فين صحابك ؟ فين حبابيك ؟
غير مزاجك .. ما تلاقش
ليه تخلق الدنيا .. تافهة
حاجة هافكة .. ما تساويش

* * *

ليه تعيش .. عمرك حزين
بين سكارى .. ومفقودين
ليه تعيش .. فى الأسر دايما

ليه تعيش .. عمرك سجين
ليه تخلقى .. العمر يمضى
بالقساوة .. والأنين
والساعات الحلوة ضايعة
من مزاجك يا حزين
لا دموع طفلك تهتك
ولا لطمة ع الجبين
* * *

شوف ملامحك فى المراية
قبل ما تيجى النهاية
والمعانى الحلوة تهرب
والندم شئ مش كفاية
والدمار حيكون نهايتك
والضياح حيكون بدايتك
والرصيف حيكون منامك
وف مقالب الزبالة
والكلاب الضالة تبقى
لك شريكة فى الفتات
* * *

قوم وتورع الأمان
قبل ما يفوت الأوان

خلى عمرك لحظة حلوة
عيشها فى ستر وأمان
فيه نصيحة للى زيك
يا للا بادر بالعلاج
تعفى نفسك م الندامة
والملامة .. والسكات
ولحياتك .. تلقى معنى
والسعادة .. تعيش معاك

نشرت بجريدة المساء ١٩٨٧/٨/٢٩
وفازت بالمركز الخامس فى مسابقة المجلس الأعلى
للشباب والرياضة (اتحاد شباب العمال عام ١٩٨٧)

موال يا دنيا

يا دنيا إمتى هتدنا ..
ولا تخديش
البخل طبعك طوالى ..
تا خدى وما تديش
وان غلبك الخير .. ترمى له
بالقليل تناتيش
صدقت إن الزمن ..
ممك فى يوم يصفى
عشرين سنة فى المزار ..
عشمى فى يوم يصفى
وأتارى كاسى مروق ..
م المزار يصفى
نفسى يا دنيا يوم ..
تدى ولا تا خديش

يا اللى هداك ربنا ..
وعفيت عن الظالم
دا العفو عند المقدرة ..
تكسر سلاح ظالم
يا دايق المر .. إوعى ..
ف يوم تكون ظالم

كتبت فى نهاية حلقة درامية إذاعية ١٩٩٨ مدتها نصف ساعة

رباعیات

رباعيات

* الله

يا خالقنى .. وأبدعت ف خلقى
ورازقنى وكفلت لى رزقى
من غيرك راح يهدى لى نفسى
سبحانك فى صباحى وأمسى
* * *

* الرسول

يا هاديننا لطريق الخير
مين غيرك ع الحق يغير
فى رسالتك أحسن تقدير
للدنيا كتابك تنوير

* العمرة

يا شريكة للحج ف فضلة
راح نسعى وننفذ أمره
ونشوف الكعبة ونتبارك
وحا ندعى بالتوبة لخلقته

* العكبة

أنوارك ولا زيتها نور
يا طيبة لقلبى المهجور
با تمنى لزيارتك انول
ولعملى الصالح مقبول

* الصبر

يا صبر يا أحسن دوا
موصوف لكل عليل
تشفى الحيارى م الهوا
أحسن طريق واسلم دليل

* الرغاي

ولا محطة .. ولا إشارة
لسانك قطر إكسبريس
حياتك كلها خسارة
يا ريت تلحقها م التفليس

* الفهلوى

يا اللى دهنت الهوا دوكو
والبقرة وديتها الكوافير
ولعبت سبجة ع الميه
والمعزة حطيت لها مونكير

* الفتان

فى وسط الناس يتزرع شر
وتقتل كل يوم ألفين
يجيك داهية تشوف المر
وتخسر حتى نور العين
* * *

* هيئة ومنظر

هيئة ومنظر وبتمنظر
فاكر الكذب ينجى أصحابه
قدام كاميرا بتتعد تسرخ
عمر الصدق ما كان فى حسابه

* المغنواتى

مغنواتى الأيام دى بومة بتتعلق
يا ريت يشوف له تصريفه وقوام يلحق
يتعلم المغنى الأصيل بعود فنان
لاجل الطرب يرجع تانى يسعد إنسان
* * *

* الأونطجى

يا مزوقاتى للكلام
وللسفيه تضرب سلام
وللغبي تدى التمام
حرام عليك شغل اللثام

صورة درامية: أحلام صغيرة
(أحمد محمد وكريم زملاء في مدرسة القرن الحالى للتعليم الأساسى)

الراوي : لكل واحد منهم حلم صغير ..
وياما قعدوا يحلموا ..
أحلام بريئة زيهم ..
فيها الأمل ..
والنور يتور فجرهم ..
يطلع اليوم الجديد ..
مع القرن الجديد ..
ولكل واحد حلم نفسه يحققه
وان قلت ليه نحلم ؟..
والحلم يبقى لمين ؟..
يقولوا .. لينا : ولاخواننا ولكل طفل ف مصر

وتعالوا نحلم زيهم ..
ونعيش معاهم حلمهم ..
(ومع الحلم الأول)
أحمد : فى يوم سافرت مع أبويا
أزور جدي فى قريتنا
وسعادتي كانت ما لهاش حدود ..
وأنا فى الطريق ..
شفت بعيني دول
أكبر مدبحة

مدبحة من نوع جديد ..
كيش الفدا .. فيها شجر
أشجار كثيرة .. مدبوحة ع الجنبيين
ويومها كان الحر شديد
وسال عرفنا ع الخدين
سألنى أبويا .. مالك ؟
وقلت يا با .. الضلة راحت فين ..
والأكسجين اللي هنشمه .. نجيبه منين ..
ونسمة العصرية نلقاها فين ..
أستاذى صادق قال لى : لازم يا ولدى .. يكون لك دور
لو حتى تزرع شجرة .. لأجل الكل ..
الراوى : من يومها زرعت شجرة توت .. قدام البيت ..
والشجرة كبرت ..
وفروعها زرعت ضل ..
والتوت كلوه الأولاد ..

وتعالوا نحلم زيههم ..
ونعيش معاهم حلمهم
(ومع الحلم الثانى)

محمد :

كان فى آخر شارعنا بيت مهجور ..
مليان سحالى وعقارب وكله جحور ..
والناس اللي مش ناوية تفهم جابت زياتها
ورمتها فى البيت كأنه سور
حاوية ف بطونها الوباء ..

حاوية ف بطونها البعوض ..

وريحة ما نتشم ..

جابت زكام للناس ..

وف ليلة عتمة ..

هجمت علينا جيوش ..

وسلاح ما لوش صداد

وأطفال شارعنا الغلابة ..

كانوا الضحايا ..

بأمراض كثيرة ابتلوا ..

وليه يكونوا الضحايا ..

وصدق كلام أستاذي: لازم يكون لى دور ..

جمعت كل الضحايا ..

وهجمنا ع المهجور ..

دمرنا كل الجيوش ..

وشيلنا كل الزبالة ..

الكل كان فرحان ..

والكل كان مسرور ..

الراوى : والبيت المهجور قدروا يحولوه .. لمكان

جميل .. يقضوا فيه .. وقت السمر ..

وتعالوا نحلم زيهم ..

ونعيش معاهم حلمهم

(ومع الحلم الثالث)

كريم : قدام باب مدرستنا ..
واقف عم سليم ..
يبيع الحلويات المكتشوفة ..
وتفاح على عصيان متعاصه عسل ..
واقف عليها دبان أشكال وألوان ..
والأرض مش مسفلتة ..
والسيارات تسرع خطاها ..
ودخانها يجرى وراها ..
وعم سليم واقف يستنى دق الجرس ..
كل الصغار يثلموا .. فاردين الإيدين ..
ومن الجيوب يخرج المصروف ..
يا عم سليم .. هات .. هات .. هات ..
والفرحة متعلمة .. على وش عم سليم ..
والبسمة مرسومة على وشوش الصغار ..
ويا كلوا م التفاح .. ومعاه التراب
ويتصابب الصغار ..
وصوت سرينة .. مزعجة ..
مليانه بالأطفال ..
وعم سليم ..
يزعق بصوت حياني ..
مش قصدى يا ولادى
سامحونى يا ولادى
سامحونى يا ولادى

الراوى :

أحمد ومحمد وكريم ..
والثلاثة فى صوت واحد ..
وتعالوا نحلم من تانى ..
أحلام جديدة .. فيها الأمل ..
والنور بنور فجرنا ..
ويطلع اليوم الجديد ..
مع قرن جديد ..
ولكل واحد حلم نفسه يحققه
ولكل واحد حلم نفسه يحققه

تم أداؤها على خشبة مسرح مدرسة حسنى مبارك بقرية
كفر الصارم القبلية فى المهرجان الثقافى الذى أقامته
الهيئة العامة لقصور الثقافة بواسطة مجموعة من أطفال
القرية ونشر عنها تحقيق مع أبطال العرض فى مجلة
قطر الندى ٢٠٠٠/٣/١٥

تحية إلى أخى / جلال الصياد

بمناسبة صدور الديوان

- الشاعر: سعيد خفاجى

صياد فى بحر الهوى : وأنا بالزجل صياد
بارمى شباك الهوى : بكلام جميل صياد
وعشان أخويا جلال : رجل الأدب صياد
وشجاع فى علمه جرئ : وعلى النجاح معتاد
وباحى فيه المبادئ : وصنق تعبيره
وباحى فيه الشهامة : وباحى فيه صياد

* * * *

عن مصر يا ما كتب : موال وأغنية
وعن حبيبته الجميلة : والشط والمية
عن فنانين شعبنا : والأمن فى بلادنا
فى القصة برضك كتب : ألحان درامية
وفى الختام ولا بيننا ختام : منى ومن أهلى تحية
من السعيد بن خفاجى : على الطريقة الخفاجية

ديوان فيكى ... إيه يتحب !!!

للزجال الصديق جلال الصياد

عرض الشاعر الناقد/ محمد على عبد العال
سكرتير رابطة الأدب الحديث

[هذا الديوان للزجال جلال الصياد .. بسيط كبساطة نفسية

صاحبة، صادق كصدقه مع نفسه ، فهو لا يكتب إلا لنفسه
تعبيرا عن المجتمع الذى يعيش فيه ، وهو لا يلجأ إلى
التزويق أو الادعاء ، وإنما يمارس موهبته بفطرية
وعفوية، وكذلك علاقته مع الناس والمجتمع، وهو لم يفقد
الحب بعد مع الناس والطبيعة].

ومن هنا يقول لهم ما يفعله هو مع نفسه من عدم الإسراف
فى أى شئ سواء شرب المخدرات بأنواعها أو ما يخطر
النفوس ويفسدها مثل النفاق والرياء ، فالحياة من وجهة
نظره لحظة نعيشها مع بعض بحسن نية ومن أجل هذا
يقول :

إوعوا تشكروم الزمان
أو تقولوا مالوش أمان
دا التعب يا خلق منكرو
من ضميركو اللى كان

وهو يقّس العمل ويمارسه فى جوانبه المتعدّدة فى

حب مصر يقول:

مالى وروحى يهونوا عليه

علشان بلدى تحيا أبية

ولذلك هو يقول لابن آدم :

يا ابن آدم عيش حياتك بالمحبة والأمان

والمودة والتصافى والتأخي والحنان

والتألف والتعاطف والتراحم والوئام

يا ابن آدم عيش حياتك قبل ما يفوت الأوان

مع التمنيات بالتوفيق ،

محمد على عبد العال

سكرتير عام رابطة الأدب الحديث

كلمة

فى قريتى الصغيرة كفر الصارم القبلى وقريه الرياض بمركز زفتى محافظة الغربية ، نبتت بذور الابداع ، بدأت أمسك القلم وأسجل كل ما يخطر ببالي من كلمات جميلة ذات معانى لها جرس موسيقى ، وفكرة كالقصة قصيرة أو طويلة .. المهم أن أكتب ما أشعر به وأشاهده وأتأثر به .

وعندما انتقلت إلى القاهرة مع أسرتى فى بداية السبعينات .. حملت معى خواطرى ومحاولاتى .. بدأت أبحث عن أماكن الشعر والابداع .

وكانت أولى خطواتى إلى قصر ثقافة الغورى ورابطة الزجالين والرابطة الإسلامية ورابطة الأدب الحديث وهيئة خريجي الجامعات ومكتب اتحاد شباب العمال .. وغيرها .

وفى هذه الأماكن التقيت بأساتذه أجلاء استقبلونى بالحب والمودة .. وكل من هم مثلى .. شجعونى على حضور الندوات ، لأن كل ندوة عبارة عن ديوان وأذكر من هؤلاء الأساتذة الدكتور يسرى العزب والدكتور محمد عبد المنعم خفاجى والدكتور محمود خليفة غانم والشعراء محمد على عبد العال وفؤاد حجاج وأحمد الأصور وفوزى الشلقانى وإبراهيم الأزهرى ومحمد إبراهيم وغيرهم ومنهم من رحلوا إلى الدار الآخرة مثل الشاعر الباشا أحمد شحاتة وياقوت الشيبينى وصلاح جانب الله والأديب سمير كرم فريد ، والدكتور سعد ظلام وغيرهم .

(لكنى وجدت عيباً فى معظم هذه الندوات ما زال
موجوداً حتى الآن وهو عدم النقد البناء لتقييم الشعراء .
وكان التصفيق هو السمة الغالبة فقط وبالتالي لا يعرف
الشاعر على المنصة موقعه على الطريق الأدبى) .
وحالفنى الحظ عندما تعرفت على اللواء فخر الدين
خالد عبده مدير تحرير مجلة الشرطة آنذاك محافظ
الدقهلية السابق .. وقف بجانبى وشجعنى ليس فى
مجال الشعر فقط ولكن فى مجال القصة والمقال
بأنواعه ثم التحقيق والحوار الصحفى كان ذلك فى
بداية عام ١٩٨٢ وحتى الآن مازلت أكتب وأكتب
حتى التقيت بشخصيات أدبية وقفت بجانبى مثل
الروائى محمد جبريل عندما كنت محرراً بجريدة
المساء والدكتور فتحى عبد الفتاح بالجمهورية
والشاعر الوردانى ناصف فى السياسى المصرى
والشاعر زكى مصطفى بمجلة حريتى والشاعر
حزین عمر بجريدة الجمهورية وغيرهم .
لهم منى خالص الشكر والتقدير ،
جلال الصياد

المؤلف في سطور

- * جلال الصياد
- * بكالوريوس تجارة - مواليد ١٩٥٧
- * عضو اتحاد كتاب مصر - وعضو رابطة الأدب الحديث وجماعة الفجر الأدبية.
- * أول عمل أدبي نشر لي في فبراير ١٩٩٨.
- * نشرت الأعمال الأدبية والصحفية [الجمهورية - المساء - السياسى المصرى - العمال - الأنبياء الدولية - أخبار الوطن - مجلة الشرطة - الفجر الأدبية - قطر الندى للأطفال - الثقافة العمالية - عمال التجارة ...] .
- * شاركت في تأسيس جريدة (صوت الرابطة) وكنت رئيساً لتحريرها.
- * شاركت في تأسيس جريدة (النجم الرياضى) و (الكمبوشة) وكنت مديراً لهما.
- * مشرف صفحة الأدب والثقافة بجريدة أخبار الوطن.
- * صدر لي من قبل (مصر الأمان) و (نجوم الفن الشعبى) و (عالم بكش).

- * لى تحت الطبع (مسرحية "تعيشى يا مصر" ، موعد مع القدر (هندية) ، محاكمة أو .. أو ، عاشق الثقافة ، ولسه عايشين) .
- * مجموعة قصصية للأطفال (ليلة زفاف عروس البحر) .
- * مجموعة قصصية (خلف جدران القصر) .
- * كتاب (المرأة العصرية فى سوق العمل المصرية - مشترك) .
- * قصة (المعروف) .

- المحتوى -

١	إهداء	-
٢	مقدمة : للدكتور يسرى العزب	-
٣	تقديم : الشاعر محمد على عبد العال	-
	وطنيات -	
٦	١. حكاية مصرية (احكى يا با)	
١٠	٢. أكتوبر يتكلم	
١٣	٣. فى حب مصر	
١٧	٤. وادى القمر	
١٨	٥. مدد يا سيدى البترولى	
٢٢	٦. فى عيد الطفولة	
٢٤	٧. العمل قيمة	
	اجتماعيات -	
٢٩	٨ . سببها على الله	
٣٢	٩ . الناس والزمان	
٣٤	١٠. طفل الشوارع	
٣٦	١١. المؤهل العالى	
٣٨	١٢. عالم بكش	
٣٩	١٣. ايه فيكى يتحب يا حوا ؟؟	
٤٤	١٤. و اتحقق الحلم	
٤٦	١٥. فاكركه يوم	
٤٨	١٦. يا ابن آدم	
٤٩	١٧. سلوكيات	

١٨. الندم ٥٠

١٩. موال يا دنيا ٥٣

- رباعيات - ٥٤-٥٧

❖ الله سبحانه وتعالى

❖ الرسول صلى الله عليه وسلم

❖ العمرة

❖ الكعبة

❖ الصبر

❖ الرغاي

❖ الفهلوى

❖ الفتان

❖ هيئة ومنظر

❖ المغنواتى

❖ الأونطجى

- صورة درامية -

٢٠. أحلام صغيرة ٥٨

- تحية من الشاعر الغنائى سعيد خفاجى..... ٦٣

- كلمة للشاعر/محمد عبد العال ٦٤

- كلمة المؤلف ٦٦

- المؤلف فى سطور ٦٨

مطبوعات الفجر

صدر منها :

- ١ - تغريبة عمرزاق الهالكي (دراما شعرية) د. يسرى العزب
- ٢ - الهاموش (مجموعة قصصية) حسن نور
- ٣ - المبعدون (مجموعة قصصية) إدريس على
- ٤ - حكايات مصرية (مجموعة قصصية) د. نجدى إبراهيم
- ٥ - الدائرة (رواية) د. نجدى إبراهيم
- ٦ - شجرة مريم (شعر) د. يسرى العزب
- ٧ - تأملات فى الفن والثقافة (نقد) د. محمد حسن عبد الله
- ٨ - أمسيات عائلية هادئة (مجموعة قصصية) منتصر ثابت
- ٩ - شجر الليمون (شعر) خالد الشوقاتي
- ١٠ - عصفور الحب (شعر) نجات خليل
- ١١ - حتى لا يطول الانتظار (مجموعة قصصية) محمد نور الدين
- ١٢ - أكتب عمري (شعر) ليلي محمد على
- ١٣ - زائر بعد منتصف الليل (رواية) مديحة أبو زيد
- ١٤ - خاطئة فى الجنة (رواية) يحيى سليمان
- ١٥ - النملة والحداية (أزجال وأغانى للأطفال) عزت زايد
- ١٦ - واحد اثنين سرجى مرجى (أزجال وأغانى للأطفال) عزت زايد
- ١٧ - المراهن (رواية) سيد أمين

المراسلات :-

باسم المشرف على التحرير
الجيزة - أرض اللواء - فيصل
١٥ شارع محمد منصور
ت : ٥٧٠٢٢٤٢

دار المنار للطباعة والنشر

المريوطية - فيصل

ت: ٥٧٢٩٧٩٤